

الديوان الثامن

مسحراتي يا مصراوية

كُتبت أشعار هذا الديوان في الفترة من ٢٠٠٩/٨/١٣ وحتى ٢٠٠٩/٩/١٧ وقُدمت على شكل برنامج شعري غنائي - بأدائي .. وألحان وغناء الفنان أحمد سعد .. وإخراج الفنان مجدي لاشين - على شاشة القناة الأولى بالتلفزيون المصري في أيام رمضان في الفترة من ٢٠٠٩/٨/٢١ وحتى ٢٠٠٩/٩/٢٠ .

لهذا

إلى المذيعة المثقفة

عزة مصطفى

فقد طلبت منى إنجاز هذا العمل .. فى وقت .. لم أكن أعلم فيه انه
يتلأ داخل وجدانى !!

جمال

يناير ٢٠١٠

obeikandi.com

الست .. أمي

مسحراتي يا مصر اوية
ف مصر تسرى روى .. برويه
مسحراتي يا مصر اوية
يدق قلبى تسمعنى هيه
أبويا مدى البشر هديه
وجدى مدى الحنان هويه
وفوق سطوحى للحب غيه
يطير ويرجع يلاقينى طائر
وحببتي واقفة ف المشربيه
مسحراتي طيب وراضى
نور الملائكة ملو الأراضى
ملائكة حاضرة
وطايرة بينا
صلوا معنا على نبينا
يارب وأنت علام غيوب
أنا نفسى اتوب
ونويت أصوم لك
صيام مطهر من الذنوب

مسحراتي ولسه قادر
م الريف احوّد على البنادر
انده خديجة .. وانده تُماضر
ستات بلدنا هدى وسكينة
وحتى ربة البيت امينة
والحضن أكبر من السفينة
يعدوا بينا من بحر هادر

ستات بلدنا من عهد سيزا
وطيارتنا كابتن عزيزة
وكل واحدة بألف ميزة
شقت طريقها بصبر نادر
علشان تعدّي من بحر هادر
مسحراتي باعشق بناتي
والست أمي .. حياة حياتي
عائشة ف خطايا وف أغنياتي
ولا كنت اخطي
ان لم تُبادر
وتعدّي بينا من بحر هادر

الست غاية

الست آية

هي اللي حطت علم الرباية

وطن بينده تقوله : حاضر

حسد بيحضر تقوله : غادر

وتعدّي بينا من بحر هادر

رمضان ناداني

والقلب لبّي

تعالى واشرب

من المحبة

والبركة تملأ جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضاني .. ساقية ..

تروينا جمعا بشروطير

وكل ثانية واحنا بخير

* * *

تأشيرة واحدة

مسحراتي يا مصر اويّه
ف مصر تسري روحي .. برويه
مسحراتي يا مصر اويّه
يدق قلبي تسمعني هيه
أبويا مدّي البشر هديه
وجدى مدّي الحنان هويه
وفوق سطوحى للحب غيه
يطير ويرجع يلاقيني طابر
وحبيبتى واقفة ف المشريه
مسحراتي طيب وراضى
نور الملائكة ملو الأراضى
ملائكة حاضره
وطايرة بينا
صلوا معانا على نبينا
يارب وأنت علام غيوب
أنا نفسى اتوب
ونويت أصوم لك
صيام مُطهرّ من الذنوب

مسحراتي .. اللي جي أحسن

أقل ياساً

وأعلى رأساً

وعيونني شايقة بنظرة واحدة

جواز سفرنا

جمّع ديارنا

مشرق ومغرب

تأشيرة واحدة

أرض العروبة

من غير صعوبة

بتلف فيها أغنية واحدة

أنهار وفيرة

أفكار غزيرة

جهات كثيرة

والكعبة واحدة

حُط البراءة مع الجراءة

ف نفس واحدة

الحب يفتح ف قلوبنا طاقة

ف ثانية واحدة

حُطُّ ابْتِسَامِنَا .. مَعَ عَلَامِنَا

ف كَفَّةً وَاحِدَةً

الدُّنْيَا تَعْرِفُ مِقْدَارَ مَقَامِنَا

بِكَلِمَةٍ وَاحِدَةٍ

مَسْحَرَاتِي مِنْ انْبِسَاطِي

بِأَفْرَشِ بَسَاطِي فِ أَرْضِ وَاحِدَةٍ

وَ عِنْدِي دَائِمًا أَمْنِيَّةٌ وَاحِدَةٌ

أَطُوفُ بِلَادِي

بِخَطْوَةٍ وَاحِدَةٍ

رَمْضَانَ نَادَانِي

وَالْقَلْبَ لَبِّي

تَعَالَى وَاشْرَبَ

مِنَ الْمُحِبَّةِ

وَالْبَرَكَاتِ تَمَلَّاجَامِعٍ وَدِيرِ

وَ كُلِّ ثَانِيَّةٍ وَاحِنَا بِخَيْرِ

بِدَايَتِهِ رُؤْيَا وَنَهَايَتِهِ رُؤْيَا

يَادُنْيَا .. صَحْرًا ..

رَمْضَانِي .. سَاقِيَّةً ..

تَرَوِينَا جَمْعًا بِشَرُوطِيرِ

وَ كُلِّ ثَانِيَّةٍ وَاحِنَا بِخَيْرِ

* * *

كعب داير

مسحراتي يا مصراويه

ف مصر تسري روجي .. برويه

مسحراتي يا مصراويه

يدق قلبي تسمعني هيه

أبويا مدّي البشر هديه

وجدى مدّي الحنان هويه

وفوق سطوحى للحب غيه

يطير ويرجع يلاقينى طابير

وحبيبتى واقفة ف المشربيه

مسحراتي طيب وراضي

نور الملايكة ملو الأراضى

ملايكة حاضره

وطايرة بينا

صلوا معنا على نبينا

يارب وأنت علام غيوب

أنا نفسي اتوب

ونويت أصوم لك

صيام مُطهرّ من الذنوب

مسحراتي وكعبي داير
وعيونني عاشقة وقلبي حاير
ولسه عندي أمل ف بكرة
اسكن عيونك يأم الضفاير

يأم الضفاير يامصر عاشقة
ف الروح تعيشي .. ف القلب راشقة
تغريينا ونتوه ونشقي
نرجع نبوس الهوا اللي طاير

يامصر هلي .. يامصراوية
يامصر طلي م المشرية
يامصر عودي .. ميزان وجودي
حني وجودي .. تحيا الضماير

انا ف واحاتك حضرت عيدك
الدلتا حضرت وجه صعيدك
سينا .. ونوبة .. الله يزيدك
صحاب وجيرة .. أهل وعشاير

يامصر جنة .. والله جنة
والحب فيكي يغلب شجناً
حتى ان تعبنا ولا اتعجبنا
لسه المواسم جاوية البشاير

رمضان ناداني
والقلب لبي
تعالى واشرب
من المحبة

والبركة تملأ جامع ودير
وكل ثانية واحنا بخير

بدايته رؤية ونهايته رؤية
يادنيا .. صحرا ..
رمضاني .. ساقية ..
تروينا جمعاً بشروطير
وكل ثانية واحنا بخير

* * *

فؤاد حداد

مسحراتي يا مصر اويّة
ف مصر تسري روحي .. برويّة
مسحراتي يا مصر اويّة
يدق قلبي تسمعني هيّة
أبويا مدّي البشر هديّة
وجدى مدّي الحنان هويّة
وفوق سطوحى للحب غيّة
يطير ويرجع يلاقيني طاير
وحبيبتى واقفة ف المشربية
مسحراتي طيب وراضي
نور الملايكة ملو الأراضى
ملايكة حاضرة
وطايرة بيننا
صلوا معنا على نبينا
يارب وأنت علام غيوب
أنا نفسي اتوب
ونويت أصوم لك
صيام مطهر من الذنوب

مسحراتي بيفك ضيقة
يفتح عيونني على الحقيقة
حداد وشاعر وشيخ طريقة
اسمه ف نور الخيال .. فؤاد

ف الحضرة يحضر بروح زكية
ويحكى سيرة سيد البرية
الحضرة تكبر يا مصرأوية
والذكر يسري بين العباد

ع السبحة .. سبّح .. وشوفنا ضيه
ع الورد .. صبّح .. فرش له حيه
علم .. وربّح .. ولا شوفنا زيه
ابناؤه كنا .. وولاد ولاد

نظّر .. قابلت الحنان ف عينه
انا اللي عايش أسدّ دينه
سألتنى كل الليالي .. فينه !؟

قولتلها زارع
وانا الحصاد

دفع الضريبة .. لجل الحبيبه
قاللى التدين .. حنان وطية
لا الجلابة ولا الزبية
هايكونوا أصدق .. من الجهاد

وصاحبه سيّد مكاوى عيد
مع اللى يزرع واللى يشيد
واللى يجاهد ..
واللى يأيد
ثورة عرابي على الفساد

رمضان نادانى
والقلب لبي
تعالى واشرب
من المحبة
والبركة تملأ جامع ودير
وكل ثانية واحنا بخير

بدايته رؤية ونهايته رؤية
يادنيا .. صحرا ..
رمضاني .. ساقية ..
تروينا جمعا بشروطير
وكل ثانية واحنا بخير

* * *

أصحى مين؟!

مسحراتي يا مصراويه
ف مصر تسري روحي .. برويه
مسحراتي يا مصراويه
يدق قلبي تسمعني هيه
أبويا مدّي البشر هديه
وجدى مدّي الحنان هويه
وفوق سطوحي للحب غيه
يطير ويرجع يلاقيني طائر
وحبيبتى واقفة ف المشريه
مسحراتي طيب وراضي
نور الملائكة ملو الأراضى
ملائكة حاضرة
وطائرة بيينا
صلوا معنا على نينا
يارب وأنت علام غيوب
أنا نفسي اتوب
ونويت أصوم لك
صيام مُطهرّ من الذنوب

مسحراتي وهاصحّي مين
ما الكل صاحي يامسلمين
بعّت قلبي المسحراتي
لحي طيب راقى وذواتي
فضلت ادندن
بعدين أهاتي
وأقول ياأهلي باطيبين

مشيت لوحدي أذكر إلهي
والكل عنى وعن صوتي لاهي
ف دنيا عاملة زى الملاهي
خيمة وشيشة ومطربين
مسحراتى وهاصحى مين

انا قولت ادخل داخل حاراتى
لقيت صاحبنا المسلسلاتي
عاملى باللو على شاشاتي
مخرج .. وقصة .. وممثلين

حارتنا فيها ارسال فضائي
وفقر مالي .. وفقر مائي
وإعلاناتهم تبيع هوائي
الرحمة حبة يامعلنين
مسحراتي .. وهاصحي مين

رمضان ناداني
والقلب لبي
تعالى واشرب
من المحبة
والبركة تملأ جامع ودير
وكل ثانية واحنا بخير

بدايته رؤية ونهايته رؤية
يادنيا .. صحرا ..
رمضاني .. ساقية ..
تروينا جمعا بشروطير
وكل ثانية واحنا بخير

* * *

أغنية شعبية

مسحراتي يا مصر اوية
ف مصر تسري روحي .. بروية
مسحراتي يا مصر اوية
يدق قلبي تسمعي هية
أبويا مدى البشر هدية
وجدى مدى الحنان هوية
وفوق سطوحي للحب غية
يطير ويرجع يلاقيني طائر
وحبيبي واقفة ف المشربية
مسحراتي طيب وراضي
نور الملائكة ملو الأراضي
ملائكة حاضرة
وطائرة بيينا
صلوا معانا على نبينا
يارب وأنت علام غيوب
أنا نفسى اتوب
ونويت أصوم لك
صيام مطهر من الذنوب

مسحراتي يافرح قلبي

من بعد تعبي

أنا باقي مني

أغنيه شعبي

من صغرسني .. عرفت إني

عمرى ماهابقى .. لو بعت فني

سألت رب العباد

يعيني ..

ولما قولت " مش باقي مني "

بأه باقي مني أغنيه شعبي ..

طلب ورشدى دول أكاديميه

وصلوا النسبة الميه ميه

زى الربابه والسسميه

كلمة وقالوها بمسئوليه

عاشت معاهم ف حي شعبي

سواء توافقوا .. ولا تعارضوا

الشعب قرر

وضروري ترضوا

خد أغلبية ولا حد فرّضه

عدوية برضه

مطرب .. وشعبي

(شعبولا) كاره لاسرائيل

ودمعه ويا لبنان يسيل

لو صوته عندك

ماهوش جميل

انا صوته عندي .. فنان وشعبي

يا بلدنا مهما تعلي وتعلي

الباني هو جدى الفواعلي

والطيب اللي ركّب لي نعلي

واللي استمع لي .. واللي اتوجع لي

وانا باغني

أغنية شعبي

رمضان ناداني

والقلب لبي

تعالى واشرب

من المحبة

والبركة تما لا جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضاني .. ساقية ..

تروينا جمعا بشروطير

وكل ثانية واحنا بخير

* * *

عبد الرحمن الأبنودي

مسحراتي يا مصر اويّة
ف مصر تسري روجي .. بروية
مسحراتي يا مصر اويّة
يدق قلبي تسمعي هية
أبويا مدّي البشر هدية
وجدى مدّي الحنان هوية
وفوق سطوحى للحب غية
يطير ويرجع يلاقيني طابر
وحبيبتى واقفة ف المشرية
مسحراتي طيب وراضى
نور الملائكة ملو الأراضى
ملائكة حاضرة
وطائرة بيننا
صلوا معنا على نبينا
يارب وأنت علام غيوب
أنا نفسى اتوب
ونويت أصوم لك
صيام مطهر من الذنوب

مسحراتي والدرب واعر
طعم المرارة ف الحلق .. يخلق
ابنودى واحد .. وبلاد مشاعر
نغمة ربابة ف الارض تعزق
ياعم جابر .. سمّعنا شاعر
يقدر يغنى من غير ماينطق
كفاية يحضر ..
يشع نوره ..
العشيق كاتب .. جواز مروره
إلى الحوارى ..
إلى الغيطان
كأن صوته ..
صوت الزمان
كأنه دمعة ف عيون وهيبة
ساعة ماتحلم بالبرتقان ..
عدى نهاره
ونهارنا عدى
ولسه حتم الشمس صامدة

ولسه .. لسه .. الليالي صابرة
وابسط الامنيات معاندة

ابنود .. مُجاهدة
والعيشة مُرة
لكن بتبعت اغنية حرة
اغنية توجع
والثانية سارة
والصدق صافي ف كل مرة

ياكل شاعر على الربابة
تعالى واسمع مرسال غلابة
أبنودى واحد
شراعه فارد
علشان يللمم هوا العلالى
صبحنا أمة .. ف قلب واحد
يجمع سيرتنا مع الهلالى

رمضان ناداني

والقلب لبي

تعالى واشرب

من المحبة

والبركة تملا جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضاني .. ساقية ..

تروينا جمعا بشروطير

وكل ثانية واحنا بخير

* * *

صاخبى

مسحراتي يا مصر اويّه
ف مصر تسري روحي .. برويه
مسحراتي يا مصر اويه
يدق قلبي تسمعني هيه
أبويا مدّي البشر هديه
وجدى مدّي الحنان هويه
وفوق سطوحى للحب غيه
يطير ويرجع يلاقيني طاير
وحبيبتى واقفة ف المشربه
مسحراتي طيب وراضى
نور الملائكة ملو الأراضى
ملائكة حاضرة
وطايرة بيّنا
صلوا معنا على نبينا
يارب وأنت علام غيوب
أنا نفسي اتوب
ونويت أصوم لك
صيام مطهر من الذنوب

مسحراتي .. انا والليالي

اصحاب محبة

اصحاب معالي

عرفت ضميري وشافت خيالي

وكل صاحب ف قلبي غالي

لو كانوا يقرؤا ويستفيدوا

لو كانوا يقرؤا ،

احسن قرأية ..

انك تحس الحياة معايا

تفهم لغايا .. ومبتغايا

وتبقى صادق .. صدق المرأية

تُعَلِّي .. الحقيقة .. على ما نريده

انا اصحاب اللي يحفظ ميعادي

ولو تأخر مايقولش عادي

ويكون معايا ف يوم جهادي

ساعتها يبقى صاحبي وزادي

وان شالله دمي

يسري ف وريده

انا اصاحب اللي
يحفظ كرامتي
يفهم كلامي
ويحس صمتي
ويحس حزني من ابتسامتي ،
شاطيء نجاتي
وسكة سلامتي
لو كان مُريدي .. وانا مُريده

رمضان ناداني
والقلب لبي
تعالى واشرب
من المحبة
والبركة تملا جامع ودير
وكل ثانية واحنا بخير

بدايته رؤية ونهايته رؤية
يادنيا .. صحرا ..
رمضاني .. ساقية ..
تروينا جمعا بشروطير
وكل ثانية واحنا بخير

* * *

أشغال خفايف

مسحراتي يا مصراويه
ف مصر تسري روحي .. برويه
مسحراتي يا مصراويه
يدق قلبي تسمعني هيه
أبويا مدّي البشر هديه
وجدى مدّي الحنان هويه
وفوق سطوحي للحب غيه
يطير ويرجع يلاقيني طاير
وحبيتي واقفة ف المشربه
مسحراتي طيب وراضي
نور الملائكة ملو الأراضي
ملائكة حاضره
وطايرة بينا
صلوا معانا على نبينا
يارب وأنت علام غيوب
أنا نفسي اتوب
ونويت أصوم لك
صيام مطهر من الذنوب

مسحراتي والمد عالي
وانا باصارع بحر الليالي
انادى رزقى وقوت عيالي
ونفسي مرّة
لو تسمعونني

عملت مرّة عامل زراعي
ومرّة بنا .. ومرة راعي
اشغال خفايف .. بواب وساعي
سواق تكاتك
بيّاع اساتك
والحظ فاتك .. يانور عيوني

من ألف شغلة لألف مهنة
لابلية تلعب ولا قلب يهنا
وصبرنا طبعا ع اللى يواجهنا
من شغل هيّن .. لبيت حنين
من غير مرتب .. ها يأكلونى

عملت مرّة شيال محطة

قامت خناقة ..

دكرين .. وبطة

وانا باخلص .. اخدت أطة

البطة زعلت .. والعركة ولعت

سابوا الخناقة ومرمطوني

ياناس يارايقة .. ياناس عظيمة

ادوني كحكة ولو يتيمة

انشالله حتى كومبارس سيما

قالولي وزع بضاعة صيني

جت العمالة م الصين ..

شالوني ..

من عرضحالجي .. لعرض حالهم

الناس شافوني .. باعرف أملهم

ورشحوني أخش مجلس

الشعب ، لكن ماجاش ف بالهم

ان الحكاية محتاجة ضهر

وان الدعاية محتاجة مهر

كل المجالس مشيت بدوني

رمضان ناداني

والقلب ليّ

تعالى واشرب

من المحبة

والبركة تملأ جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضاني .. ساقية ..

تروينا جمعا بشروطير

وكل ثانية واحنا بخير

* * *

ف عشرة مئة

مسحراتي يا مصر اوية

ف مصر تسري روجي .. برويه

مسحراتي يا مصر اوية

يدق قلبي تسمعي هيه

أبويا مدّي البشر هديه

وجدى مدّي الحنان هويه

وفوق سطوحى للحب غيه

يطير ويرجع يلاقيني طائر

وحبيبتى واقفة ف المشريه

مسحراتي طيب وراضى

نور الملايكة ملو الأراضى

ملايكة حاضره

وطايرة بيينا

صلوا معانا على نبينا

يارب وأنت علام غيوب

أنا نفسي اتوب

ونويت أصوم لك

صيام مطهر من الذنوب

مسحراتي يارب قوّي

أرضي وجوّي

كارهين عدوّي

نصروني نصراً

لكن مدوّي

ف عشرة منه

رمضان كأنه

أول خطاوي .. اكبر ولادي

صدّقت يا ابني .. وصدّق جهادي

صدّقت لما حكيت حكايتك

وصدّقت لما رفعت رايتك

واما بدمك حميت حصادي

عرفت يا ابني؟!!

عدوي ليه .. مش عايزني ابني?!!

لأنه شايف .. بخيال وعين

لو أبني هاوصل لحد فين

شاف اهراماتي

وشاف عنادي

والننى دايب ف عيون بلادي

ونبض قلبي

ف الشدة .. شادي

صدقت يا ابني .. وصدق جهادي

صدقت ياسينا روح الجسارة

وارتاح ف نور التاريخ عبوري

وأدى صورة يسري عمارة

هو اللي أسرعاف يا جوري

وهو عازف أوتار فؤادي

صدقت يا ابني

وصدقت جهادي

رمضان ناداني

والقلب ليّبي

تعالني واشرب

من المحبة

والبركة تملأ جامع ودير

وكل ثانية واحنا بخير

بدايته رؤىة ونهايته رؤىة

يادنيا .. صحرا ..

رمضانني .. ساقية ..

تروينا جمعا بشروطير

وكل ثانية واحنا بخير

* * *

مصر التالاقى

مسحراتي يا مصر اوية
ف مصر تسري روجي .. بروية
مسحراتي يا مصر اوية
يدق قلبي تسمعني هية
أبويا مدّي البشر هدية
وجدى مدّي الحنان هوية
وفوق سطوحى للحب غية
يطير ويرجع يلاقينى طائر
وحبيبتى واقفة ف المشربية
مسحراتي طيب وراضى
نور الملائكة ملو الأراضى
ملائكة حاضرة
وطائرة بيننا
صلوا معانا على نبينا
يارب وأنت علام غيوب
أنا نفسى اتوب
ونويت أصوم لك
صيام مطهر من الذنوب

مسحراتي مصر التلاقي
بين المسالم أو الفدائي
بين اللي صبح على أكل عيشه
واللي عايشها دائما مسائي
الانسانية أملى ورجائي
حلم الروائي ..
أو الغنائي ..
وعلوم محمد ابن النشائي ..

الفرعونية اصلي اللي باقي
ورسالتني فيها .. خلود آبائي
غرقان ف زهدي ..

أو اشتهايي ..
عيوني دائما على انتمائي
الانسانية أملى ورجائي
حلم الروائي .. أو الغنائي
وعلوم محمد ابن النشائي

أوريا تضحك لاسكندرية

أفريقيا تحضربنيل بهية

وسينا قالت ياأسيوية

سحرالعروبة زودّ بهائي

الانسانية أملى ورجائي

حلم الروائي .. أو الغنائي

وعلوم محمد ابن النشائي

مصر التلاقي .. بتلاقي روحها

ساكنة اللي يجي قاصد فتوحها

الدنيا تسهر على سطوحها

علشان تشاهد فجرى وضيائي

الانسانية أملى ورجائي

حلم الروائي .. أو الغنائي

وعلوم محمد ابن النشائي

رمضان ناداني

والقلب لبيّ

تعالى واشرب

من المحبة

والبركة تملا جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضانى .. ساقية ..

تروينا جمعا بشروطير

وكل ثانية واحنا بخير

* * *

عصر الصراحة

مسحراتي يا مصر اوية
ف مصر تسري روحي .. برويه
مسحراتي يا مصر اوية
يدق قلبي تسمعني هيه
أبويا مدّي البشر هديه
وجدى مدّي الحنان هويه
وفوق سطوحى للحب غيه
يطير ويرجع يلاقيني طائر
وحبيبتى واقفة ف المشربيه
مسحراتي طيب وراضى
نور الملائكة ملو الأراضى
ملائكة حاضره
وطايرة بينا
صلوا معانا على نبينا
يارب وأنت علام غيوب
أنا نفسى أتوب
ونويت أصوم لك
صيام مطهر من الذنوب

مسحراتي يامصراوية

ف مصر تسري روحي بروية

مش ناوي اشكي من الماهية

ماهية .. هية ..

أرواحنا دائما ف الحضرة هامية

سُفرتنا دائمة

فشتنا عاية

ضحكتنا غالبة كل المآسى

ومهما توبنا .. لازم ياتوبنا

فيك حنة دايرة من المعاصي

والصبر شادد حيله معانا

صابر علينا وعمّال يواسي

مسحراتي يامصراوية

ف مصر تسري روحي بروية

عايزينها تسري .. لكن بسرعة

وكل صحرا نلقى لها زرعة

وكل عاطل نوجد له صنعة

" الكذب " كلمة حروفها سامة

بلاش نعيشها ياأغلى أمة

تعالو نحيا عصر الصراحة

والاسم يرجع إلى المسمى

يعنى " نفاقنا " .. ماهوش " مجاملة "

" عمالة زائدة " .. مش " أيدى عاملة "

وف " الهزيمة " مانقولش " نكسة "

النصر .. نصر

والوكسة .. وكسة

الرشوة " رشوة " .. مش " اكرامية "

و " الغش " سرقة .. مش " مفهومية "

والشورى " فعلا " ..

ديمقراطية

وحساب .. مساوى .. للمسئولية

رمضان نادانى

والقلب لى

تعالى واشرب

من المحبة

والبركة تملأ جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضاني .. ساقية ..

تروينا جمعا بشروطير

وكل ثانية واحنا بخير

* * *

مسحراتي .. مسلم .. مسيحي

مسحراتي يا مصر اوية
ف مصر تسري روحي .. بروية
مسحراتي يا مصر اوية
يدق قلبي تسمعني هية
أبويا مدّي البشر هدية
وجدى مدّي الخنان هوية
وفوق سطوحي للحب غية
يطير ويرجع يلاقيني طائر
وحبيبتى واقفة ف المشربية
مسحراتي طيب وراضى
نور الملائكة ملو الأراضى
ملائكة حاضرة
وطائرة بيسنا
صلوا معانا على نبينا
يارب وأنت علام غيوب
أنا نفسي اتوب
ونويت أصوم لك
صيام مطهر من الذنوب

مسحراتي ..
مسلم .. مسيحي
باقول يادنيا هاتستريحي
لو تقري إيه اللي جه ف " صحيحى "
تلقي التراحم بين النفوس
رمضان بلدنا
فانوس بمادنة
وعندى صاحب اسمه فانوس
جارى وشقيقى .. انسان حقيقى
زاح عن طريقي .. حمل الكابوس
ودينى قاللي .. ماهوش تخلي
انك تخلي .. الجميع يصلي
لاتقول دا بوذي .. أو م المجوس
خليك ف دينك
الله يعينك
على الفتاوى .. وعلى اللصوص
مش كل عمّة .. على راس أئمة
ولا أى ذمة .. تدى الدروس

مسحراتي ..

باحب مريم .. واحب حنّا

وعم بطرس .. صاحبي ف جنة

ربك خالقها ..

ويبل ريقها

بنيل نجاشي

ف الارض ماشي

مسحراتي ..

رمضان ناداني

والقلب لبيّ

تعالى واشرب

من المحبة

والبركة تملا جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضانى .. ساقية ..

تروينا جمعا بشروطير

وكل ثانية واحنا بخير

* * *

٥٧٣٥٧

مسحراتي يا مصر اويّه
ف مصر تسري روحي .. برويه
مسحراتي يا مصر اويّه
يدق قلبي تسمعني هيّه
أبويا مدّي البشر هديه
وجدى مدّي الحنان هويه
وفوق سطوحى للحب غيه
يطير ويرجع بلاقيني طاير
وحبيبتى واقفة ف المشريه
مسحراتي طيب وراضى
نور الملائكة ملو الأراضى
ملائكة حاضره
وطايرة بيننا
صلوا معانا على نبينا
يارب وأنت علام غيوب
أنا نفسي اتوب
ونويت أصوم لك
صيام مطهر من الذنوب

مسحراتي
والخير بيفتح
قلب المحبة
ساعة ما يلمح
ايدين رحيمة ف كل مطرح
وضحكة صافية ف القلب ترمح
دوا الضحايا ..
يا أهل العطايا ..
لما العناية .. من ربى .. تسمع

مستشفياتنا عايزة المكاشفة
والصحة فيها مش قادرة تشفي
لكن عيونك .. يامصر .. كاشفة
صافية الضماير .. والرحمة أصفي
والكل وافق .. من قبل ماشرح

مشينا ندعى ونقول ياربي
نجى ولادنا م المستخبي
مصر الكريمة .. قامت تلبي
لقينا روحنا ف صرح طبي
أمل سماوى ..
وورد يطرح ..

ءامصر ءاصرى المرؤ .. وءاصرى

كل اللى قلبه ىءمنى عصرى

وكفاىة انك بالءىر ءناصرى

مسءشفى طىب من قلب مصرى

ىءلى صاءب الهم .. ىفرء

رمضان ناءانى

والقلب لى

ءعالى واشرب

من المءبة

والبركة ءملا ءامع وءىر

وكل ءانىة واءنا بءىر

باءىءه رؤىة ونهاىءه رؤىة

ىاءنىا .. صءرا ..

رمضانى .. ساقىة ..

ءروىنا ءمعا بشروطىر

وكل ءانىة واءنا بءىر

* * *

أنا وشوارعك

مسحراتي يا مصر اوية
ف مصر تسرى روى .. بروية
مسحراتي يا مصر اوية
يدق قلبى تسمعنى هية
أبويا مدى البشر هدية
وجدى مدى الحنان هوية
وفوق سطوحى للحب غية
يطير ويرجع يلاقينى طائر
وحببى واقفة ف المشربية
مسحراتي طيب وراضى
نور الملايكة ملو الأراضى
ملايكة حاضرة
وطائرة بينا
صلوا معانا على نبينا
يارب وأنت علام غيوب
أنا نفسى اتوب
ونويت أصوم لك
صيام مطهر من الذنوب

مسحراتي ..

ومنين اروح !؟

ولمين ابوح

غير ليكي انتي !؟

يامطيالي كل الجروح

من قبل مينا ومن قبل نوح

وانتي اللي عندك باب للفتوح

وانتي اللي عندك شارع مُعز

ماقدرش اعز عنك حياتي

مسحراتي

مصحياتي

مشيت ف شارع رمسيس انقّر

العتبة خضرا .. والحلم أخضر

وصلت الازهر

واما احتواني شارع مُعزك

الله يعزك ..

سألت جوهر

جوهرها إيه !؟

قاللي يا شاعر .. معدنها طيب

امسك ف توبها واياك تسيب

واياك تخيب فيك الظنون

واياك تغيب مجرى العيون

يا حلوة ياللي ف العين سكتني

يا جامعة طيبة امي وبنتي

يقوم طوفان الزمان علينا

ألا قيني نوحك

وانتي سفيتني

اللي جابتني .. بطون شوارعك

ومين ف شرعك

أحق مني

بحضنك انتي

رمضان ناداني

والقلب لبي

تعالى واشرب

من المحبة

والبركة تملا جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضاني .. ساقية ..

تروينا جمعا بشروطير

وكل ثانية واحنا بخير

* * *

نيل المنابع

مسحراتي يا مصراوية
ف مصر تسري روحى .. بروية
مسحراتي يا مصراوية
يدق قلبي تسمعنى هية
أبويا مدّي البشر هدية
وجدى مدّي الحنان هوية
وفوق سطوحى للحب غية
يطير ويرجع يلاقينى طائر
وحبيبتى واقفة ف المشربية
مسحراتي طيب وراضى
نور الملائكة ملو الأراضى
ملائكة حاضرة
وطائرة بينا
صلوا معنا على نينا
يارب وأنت علام غيوب
أنا نفسي اتوب
ونويت أصوم لك
صيام مطهر من الذنوب

مسحراتي

ونيلی صافي

بأمر ربي .. دائما يوافي

عملت منه حضارة باقية

عملت منه هرم وساقية

عملت منه .. شربات خُشافي

ينبوع ف جنه .. وانا مصبه

يحب احمس .. ويحب حربه

يحب مجدي يعقوب وطبه

ويحب سيد درويش .. يحبه

الكل شربوا .. والشهد كافي

دموع ايزيس .. لما تجري .. نورك

موسى ويوسف .. حاسين شعورك

هاجر وزمزم .. شاربين حضورك

ولا حد يقدر يمنع طيورك

ولا قهر يسجن حر القوافي

ياما كتبنا بدم الصواع
صرخ معنا .. حبر المطابع
فيه إيد بتلعب عند المنابع
ومين بيقرأ؟!
ومين يتابع?!
ومين هايكشف كل اللي خافي

رمضان ناداني
والقلب لبي
تعالى واشرب
من المحبة
والبركة تملأ جامع ودير
وكل ثانية واحنا بخير

بدايته رؤية ونهايته رؤية
يادنيا .. صحرا ..
رمضاني .. ساقية ..
تروينا جمعا بشروطير
وكل ثانية واحنا بخير

* * *

سينا يا صابره

مسحراتي يا مصر اويّه
ف مصر تسري روحي .. برويه
مسحراتي يا مصر اويه
يدق قلبي تسمعني هيه
أبويا مدّي البشر هديه
وجدى مدّي الحنان هويه
وفوق سطوحي للحب غيه
يطير ويرجع يلاقين طائر
وحبيبتى واقفة ف المشربه
مسحراتي طيب وراضي
نور الملائكة ملو الأراضى
ملائكة حاضره
وظايرة بيّنا
صلوا معانا على نبينا
يارب وأنت علام غيوب
أنا نفسي اتوب
ونويت أصوم لك
صيام مطهرّ من الذنوب

مسحراتي ف أرض سينا

رمالها تضحك لما تلاقينا

وهية شايلة كل الحمول

يارب تجعل كلامي دائما

فيه القبول

يارب تجعل صلاتي .. قائمة

وروحى هائمة

ف مسك عربي من الرسول

سينا العزيزة .. بنت الفراعنة

ف نور قمرها ياما اجتمعنا

فتحت كنوزها .. للى يعوزها

وياما قالت واحنا استمعنا

اللى يجيلها بالحب .. خالد

واللى يجيلها بالغصب .. بائد

من فوق جبالها .. تجيله لعنة

تصبيه غمة .. تفني العقول

سينا اللي فيها موسى تكلم

مع إلهه ، بعدين تعلم

ينظر بقلبه

لوجه ربه

ايمانه يبقى ولا يزول

سينا اللي ياما شافت مهالك

كانت رحيمه ع اللي استمالك

عيسى ف مهده

تحميه رمالك

وعمرو بعده بالحب جالك

فاتح ، وعامل حساب رجالك

وهو راكب فوق الخيول

سينا وفيها أعز ناسك

راعي .. وناسك

ع الجمر ماسك

حافظ دروب الوطن ف قلبه

كأنه ساعي بين المناسك

البدوي هو أصل الاصول ..

سينا اللي صبرت ولسه صابرة
ولسه واقفة ضد الجبابرة
محتاجة نظرة حب وصراحة
يكون أساسها علم الوصول

من أرض سينا شيلوا الضرايب
للمصري وحده ..
مش للاجانب
هاينوبنا جمعاً م الحب جانب
العين هاتحلم ..
والايد تنول ..

رمضان ناداني
والقلب لبي
تعالى واشرب
من المحبة
والبركة تملأ جامع ودير
وكل ثانية واحنا بخير
بدايته رؤية ونهايته رؤية
يادنيا .. صحرا ..
رمضاني .. ساقية ..
تروينا جمعاً بشروطير
وكل ثانية واحنا بخير

أسامه أنور عكاشه

مسحراتي يا مصر اويّه
ف مصر تسري روحي .. برويه
مسحراتي يا مصر اويّه
يدق قلبي تسمعي هيه
أبويا مدّي البشر هديه
وجدى مدّي الحنان هويّه
وفوق سطوحى للحب غيه
يطير ويرجع يلاقيني طاير
وحببتي واقفة ف المشريه
مسحراتي طيب وراضى
نور الملايكة ملو الأراضى
ملايكة حاضره
وطايرة بيـنا
صلوا معانا على نبينا
يارب وأنت علام غيوب
أنا نفسي اتوب
ونويت أصوم لك
صيام مطهر من الذنوب

مسحراتي

مصوراتي

كل اللي حاصل

داخل حاراتي

حزن الليالي .. والابتسامة

المشى الاعوج .. والاستقامة

ياما سهرنا مع بعض ياما

شاشة ليالي الزمان .. بتعرض

أجمل دراما

وياريتني عندي مليون اسامة

أسامة انور عكاشة راوي

ف البيت جمعنا .. وع القهاوى

وطن بيحلم .. يكتب مشاهده

يكتب كأنه .. مع اللي جاهدوا

لو شاف رايتنا بيضا بيبيكي

ومن دموعه .. يصفى شهنه

ناكلها دقة .. بس بكرامة

وياريتني عندي مليون اسامة

أرابيسك .. مسك

وأرابيسك حرفة

وروح تقولك : انا عندي صرفة

البحر الاحمر .. يامصر .. شُرْفَة

بيطلوا منها مينا ومريم

على نور محمد ..

صَلِّي .. وَسَلِّمْ

هاتنفتح لك سكك السلامة

وياريتنى عندي مليون اسامة

البحر الابيض بلكونة تانية

نطل منها نلاقى دنيا

جمالها حاضر ف كل ثانية

النيل بيجرى .. وموج زيزينيا

يامصراوية .. فيضان شهامة

وياريتنى عندي مليون اسامة

رمضان ناداني

والقلب لبيّ

تعالى واشرب

من المحبة

والبركة تملأ جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضاني .. ساقية ..

تروينا جمعا بشروطير

وكل ثانية واحنا بخير

* * *

غزة الشهيدة

مسحراتي يا مصر اويّة
ف مصر تسري روحي .. برويّة
مسحراتي يا مصر اوية
يدق قلبي تسمعني هية
أبويا مدّي البشر هدية
وجدى مدّي الحنان هوية
وفوق سطوحي للحب غية
يطير ويرجع يلاقيني طائر
وحبيبتى واقفة ف المشربية
مسحراتي طيب وراضي
نور الملايكة ملو الأراضى
ملايكة حاضرة
وطائرة بينا
صلوا معانا على نبينا
يارب وأنت علام غيوب
أنا نفسي اتوب
ونويت أصوم لك
صيام مطهر من الذنوب

مسحراتي

لو ليلي دامس

والخلق نائمة وصوتى هامس

اقدر ألامس

بروح عنيدة

غزة المحاصرة

غزة الشهيدة

ياخلق قوموا .. وقت الفريضة

عديت ياسينا من غير دليل

وصلت غزة لقيت سبيل

م الضفة خدني إلى الجليل

صلينا جمعاً خلف الرسول

والقدس قدرت ع المستحيل

قدرت تلامس بروح عنيدة

غزة المحاصرة .. غزة الشهيدة

ياخلق قوموا .. وقت الفريضة

القدس جاءت .. لما اضاءت

شعلة جهادنا ..

والخلق فاقت

روح المقاومة ف الارض شاءت

تعيشلى غزة .. براح وعِزة

لو حتى كل الاراضي ضاقت

نقدر نلامس .. بروح عنيدة

غزة المحاصرة .. غزة الشهيدة

ياخلق قوموا .. وقت الفريضة

يا فلسطينية دوسوا الزناد

على اللى دايس فوق العباد

الثورة أصدق من المزاد

سعيت وسعيمي ..

نورلى وعمي

رأيت جهادكو .. فوق الجهاد

يقدر يلامس بروح عنيدة

غزة المحاصرة .. غزة الشهيدة

ياخلق قوموا .. أدوا الفريضة

رمضان ناداني

والقلب لبي

تعالى واشرب

من المحبة

والبركة تملأ جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضاني .. ساقية ..

تروينا جمعا بشر وطير

وكل ثانية واحنا بخير

محافظاتي

مسحراتي يامصراوية
ف مصر تسري روجي .. بروية
مسحراتي يامصراوية
يدق قلبي تسمعي هية
أبويا مدّي البشر هدية
وجدى مدّي الحنان هوية
وفوق سطوحى للحب غية
يطير ويرجع يلاقيني طائر
وحببتي واقفة ف المشربية
مسحراتي طيب وراضى
نور الملائكة ملو الأراضى
ملائكة حاضرة
وطائرة بيـنا
صلوا معانا على نبينا
يارب وأنت علام غيوب
أنا نفسي اتوب
ونويت أصوم لك
صيام مطهر من الذنوب

مسحراتي

محافظاتي

هية اللي شالت حمل الطريق

دروبها ربت .. قلبي الجريء

صاحبت .. وحبت

بيتي العتيق ..

لازم جميعها بالنور تضىء

بنى سوفي .. زرعت رغيفى

غزل المحلة .. غزلت لى صوفى

دمياط بتفرش .. صالون ضيوفى

النوبة رسمت حنة كفوفى

انفاسى طابت من أى ضيق

لازم جميعها بالنور .. تضىء

يابنت طنطا ..

مرمر وعاج

يامنصورية

حضنك علاج

الشرقاوية .. يوم الزواج

فرشولى بيتى سجاد سوهاج

وواحاتي جابت نسيم رقيق

لازم جميعها بالنور تضىء

اسوان جابت لى .. وتلتلت لى

منوفية فرحت وزغرطت لى

فطير مثلت .. وثلت لى

الجيزة حضرت .. ونقطت لى

عسل قناوى يبل ريق

لازم جميعها بالنور تضىء

أما الاضاءه مش بس لمبة

ولا مية حلوة من الظلمة

حياة بلادنا هاتبقى بمبى

لما ابادى العمل تضىء

والعلم يصبح اقرب صديق

رمضان ناداني

والقلب ليّ

تعالى واشرب

من المحبة

والبركة تملأ جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضانى .. ساقية ..

نروينا جمعا بشروطير

وكل ثانية واحنا بخير

د. محمد غنيم

مسحراتي يا مصر اويّه
ف مصر تسري روحي .. برويه
مسحراتي يا مصر اويه
يدق قلبي تسمعني هيه
أبويا مدي البشر هديه
وجدي مدي الحنان هويه
وفوق سطوحى للحب غيه
يطير ويرجع يلاقيني طائر
وحبيتي واقفة ف المشربيه
مسحراتي طيب وراضى
نور الملائكة ملو الأراضى
ملائكة حاضره
وطايرة بينا
صلوا معانا على نبينا
يارب وأنت علام غيوب
أنا نفسى اتوب
ونويت أصوم لك
صيام مطهر من الذنوب

مسحراتي

والمولى حارسه

دكتور وعالم وليه مدارسه

احفظ محمدغني ف قلبك

وخلّي ابنك يسمع لدرسه

الطب طيبة وانسانية

لاطب فاخر .. ولاطب ترسو

فيه ناس كثير من كيعانها شاربة

وفيه دكاترة عاملينها لعبة

حسابات واسهم .. بورصة ومضاربة

وفيه محمدغني كأنه

ملايكة لابسة توب الأطبا

علشان ياأهلي ع الشط ترسو

الطب طيبة وانسانية

لاطب فاخر .. ولاطب ترسو

طب التجارة وقع ف نايبك

وبدال ماتشكى من اللي صايك

الحضن واسع .. احضن حبايبك

أوصِلْ بعيدك .. وزور مريضك
تلقى محمد غنيم مصاحبك
يقول بفعله .. من قبل حسه
الطب طيبة وانسانية
لاطب فاخر ولاطب ترسو

اطيب جراحة .. بنت السماحة
مشرط يخلى .. تعبنا راحة
ف ايد تخلى .. ايامنا واحة
ف عيون محمد غنيم رأينا
الرحمة .. زحمة .. على المساحة
ونهار حياتنا يبحب شمسه
الطب طيبة وانسانية
لاطب فاخر .. ولاطب ترسو

رمضان نادانى
والقلب لبي
تعالى واشرب
من المحبة

والبركة تملا جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضاني .. ساقية ..

تروينا جمعا بشروطير

وكل ثانية واحنا بخير

* * *

فدان شطارة

مسحراتي يا مصر اويّة
ف مصر تسري روجي .. برويّة
مسحراتي يا مصر اويّة
يدق قلبي تسمعني هيّة
أبويّا مدّي البشر هديّة
وجدى مدّي الحنان هويّة
وفوق سطوحى للحب غيّة
يطير ويرجع يلاقيني طاير
وحبيبتى واقفة ف المشربية
مسحراتي طيب وراضى
نور الملائكة ملو الأراضى
ملائكة حاضرة
وطائرة بينا
صلوا معانا على نبينا
يارب وأنت علاّم غيوب
أنا نفسى اتوب
ونويت أصوم لك
صيام مُطهّر من الذنوب

مسحراتي

زارع قيراطي

فدان محبة .. وفدان شطارة

غزلت أول شعاع حضارة

وبنيت ف شطى أول منارة

وعشت أدّي

من غير تحدي

وانقش مشاعري فوق الحجارة

مسحراتي وفلاح عمومي

والدنيا قامت على علومي

حضنت ارضي .. دابت همومي

لو حظي قرط

والدمعة فرّت

أنا مش هافرط

لأن عندي فدان شطارة

مسحراتي .. مدققاتي
على الصواني ف خان الخليلي
وجدى كاتب تاريخ حياتي
على المسلة وعلى سبيلي
فارش بساطي على نجيلي
عشان يادنيا هاتحتاجيلي
وتلاقي عندي فدان شطارة

مسحراتي .. منوراتي
بيغنى دائما للمستنير
اللغز حله داخل جيناتى
يا عم احمد يا مستجير
من حور محب لسلامة موسى
مين اللي نور فجر الضمير
غير اللي زارع فدان شطارة

رمضان ناداني
والقلب لبي

تعالى واشرب

من المحبة

والبركة تملأ جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضانى .. ساقية ..

تروينا جمعا بشروطير

وكل ثانية واحنا بخير

* * *

لقمة هنية

مسحراتي يا مصر اويّة
ف مصر تسري روجي .. برويّة
مسحراتي يا مصر اويّة
يدق قلبي تسمعني هية
أبويا مدّي البشر هدية
وجدى مدّي الحنان هوية
وفوق سطوحى للحب غية
يطير ويرجع يلاقيني طاير
وحبيبتى واقفة ف المشربية
مسحراتي طيب وراضى
نور الملايكة ملو الأراضى
ملايكة حاضرة
وطائرة بينا
صلوا معنا على نبينا
يارب وأنت علام غيوب
أنا نفسى اتوب
ونويت أصوم لك
صيام مطهر من الذنوب

مسحراتي يانور عينيا
واللقمة دائما تكون هنية
لما باكلها بفلوس شقايا
لا من الولايا .. ولا م الوسيّة
لو فول مدّس ..
حلال .. هاغمّس ..
وانول مرادى واعيشها راضى
زى الزبادى ف السلطانية

ع الرزق طبعا لازم اصارع
ربك بيرزق على طول اسارع
ارمّ عضمى بأكلة كوارع
مبار وفشة وحاجة حرشة
وارجع واسعى ف كل شارع
على اللى يغنى نفسى الغنية

لو يوم بنار الغلا اکتوينا
عسل عسلسل فوق الطحينة
مع المسلسل يبقى .. اکتفينا
دى مش موافقة ع الفقر لكن
ربك يديم النعم علينا
ويديم علينا روحنا الابية

خروب وسوييا ..

ياعم سَقَّع ..

وانشالله لوييا ..

وعيش مفقع ..

ولا يبقى توب الحلال مرقع

اكلتنا طقة .. انشالله دقة

ولا تقبل ان الحرام يقع

توب الكرامة ..

اجمل عطية

رمضان ناداني

والقلب لبي

تعالى واشرب

من المحبة

والبركة تملأ جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضاني .. ساقية ..

تروينا جمعا بشروطير

وكل ثانية واحنا بخير

يسحروني

مسحراتي يا مصرأويه
ف مصر تسري روعي .. برؤيه
مسحراتي يا مصرأويه
يدق قلبي تسمعني هيه
أبويا مدّي البشر هديه
وجدى مدّي الحنان هويه
وفوق سطوحى للحب غيه
يطير ويرجع يلاقيني طائر
وحببتي واقفة ف المشربيه
مسحراتي طيب وراضى
نور الملائكة ملو الأراضى
ملائكة حاضره
وظايرة بيننا
صلوا معنا على نبينا
يارب وأنت علام غيوب
أنا نفسى اتوب
ونويت أصوم لك
صيام مطهر من الذنوب

مسحراتي والناس شافوني
وانا اهل بلدى .. بيسحرونى
كانوا ف طفولتى .. بيعلمونى
كانوا ف صبايا .. بيفهمونى
ولحد بكرة .. ولحد بعده
لو نومتى طالت .. بيقومونى
اسمع كلامهم وافتح عيونى

استاذي صحى عقلى ف راسي
اما المراكبي .. عند المراسي
غنى .. وصحصح .. جميع حواسي
وادانى درس الحياة ..
اخويا
وادانى درس الوطن ..
سياسي
ولاحد فيهم سابني لظنونى

صحتني جامعة .. وصوتها ..
ساعة ..

ادان بيدعو لصلاة جماعه
بيّاع .. بينده على البضاعه
وصوته يطرب .. كأنه مطرب
بيقول ياناس اسمعوا فنوني

صحّاني .. عاشق ..
بيناجي زهره
درويش بيطلب مدد .. ياطاهره
طالب بيهتف جوا المظاهرة
ديوان لشاعر .. مليون مشاعر
ومن جماله .. اقراه ف سهره
واهديه لاهلي .. ويصدقوني

رمضان ناداني
والقلب لبيّ
تعالى واشرب
من المحبة
والبركة تملأ جامع ودير
وكل ثانية واحنا بخير

بدايته رؤيّة ونهايته رؤيّة

يادنيا .. صحرا ..

رمضانى .. ساقية ..

تروينا جمعا بشروطير

وكل ثانية واحنا بخير

* * *

قابله صدقه

مسحراتي يا مصراوية
ف مصر تسري روجي .. برويه
مسحراتي يا مصراويه
يدق قلبي تسمعني هيه
أبويا مدّي البشر هديه
وجدى مدّي الحنان هويه
وفوق سطوحى للحب غيه
يطير ويرجع يلاقيني طائر
وحببتي واقفة ف المشربيه
مسحراتي طيب وراضى
نور الملائكة ملو الأراضى
ملائكة حاضره
وطايرة بيسنا
صلوا معانا على نبينا
يارب وأنت علام غيوب
أنا نفسى اتوب
ونويت أصوم لك
صيام مُطَهَّر من الذنوب

مغنواتي .. يدق قلبي
النور ينور ف بيت حبابي
انا قولت : ها عمل مسحراتي
أفوت يوماتي .. يمكن اشوفه
يعرف ظروفى ..
واعرف ظروفه ..
ياكل حاضر .. ياكل غايب
رمضان ما يحلا غير بالحبايب

انا قلبي عاشق .. قمر مصور
أول ما شوفته .. نظري تسمّر
على جماله .. الله اكبر
شباكّه دايماف الليل منورّ
والصبح يظهر .. ينور اكثر
ياكل حاضر .. ياكل غايب
رمضان ما يحلا غير بالحبايب
إيه الجمال دا ؟!

الله ياوعدي
ماشى بادورّ على نجم سعدي

واقول يادنيا ..

ساعديني ساعدي ..

قابلته صدفة ..

وضاع ..

لقيبته

خياله ماشي .. قبلي وبعدي

ياكل حاضر .. ياكل غايب

رمضان ما يحلا غير بالحبايب

ياريت حبيبي يكون سامعني

ويكون ف قلبه حبة حنان

انا اصلي ليل البعاد واجعني

ونفسي اشوفه ..

مرة كمان ..

يارب ياللي بالخير جامعني

يقابلني تاني ف نفس المكان

ياكل حاضر .. ياكل غايب

رمضان ما يحلا غير بالحبايب

رمضان ناداني

والقلب لبي

تعالى واشرب

من المحبة

والبركة تملا جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضانى .. ساقية ..

تروينا جمعا بشروطير

وكل ثانية واحنا بخير

* * *

ليلة الليالي

مسحراتي يا مصراوية
ف مصر تسري روجي .. بروية
مسحراتي يا مصراوية
يدق قلبي تسمعني هية
أبويا مدّي البشر هدية
وجدى مدّي الحنان هوية
وفوق سطوحى للحب غية
يطير ويرجع يلاقيني طائر
وحبيبتى واقفة ف المشربية
مسحراتي طيب وراضى
نور الملائكة ملو الأراضى
ملائكة حاضرة
وطائرة بيينا
صلوا معانا على نبينا
يارب وأنت علام غيوب
أنا نفسى اتوب
ونويت أصوم لك
صيام مُطَهَّر من الذنوب

مسحراتي ..
ماشى أسحر ف نور آياتى
واستنى ليلة أمل بهيه
ليلة الليالي ..
والقدر عالي ..
أجمل هدية للإنسانيه
يارب تفتح علينا فتحا
مدد هداية .. وروحانيه

سبحانه ربي .. انزل كلامه
ف شهر رحمة .. ينشر سلامه
ما بين سجوده .. وبين قيامه
الروح بتعزف على مقامه
ف حزن اهلى ادوق صيامه
وامشى واهدى كل البريه
مدد هداية .. وروحانيه
يارب نسعى .. سعي الوداد
نقدر نساعد كل العباد
وكل طالب .. يلقي المراد

وكل حاسس بالظلم ..

يعرف ..

طريق خلاصه .. بالاجتهاد

وجهاد مسيرة محمدية

مدد هداية وروحانية

يارب تفتح فتحاً مبينا

مايخلى فينا قلوب حزينة

أيامنا تعرف معنى السكينة

نعيش بدينك

ونستعينك

بنفوس أبية .. حرة .. وامينة

على معجزاتك القرآنية

مدد هداية وروحانية

رمضان ناداني

والقلب لبي

تعالى واشرب

من المحبة

والبركة تملأ جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضانى .. ساقية ..

تروينا جمعا بشروطير

وكل ثانية واحنا بخير

* * *

محمد احمد بخيت

مسحراتي يا مصراوية

ف مصر تسري روحي .. بروية

مسحراتي يا مصراوية

يدق قلبي تسمعني هبة

أبويا مدّي البشر هدية

وجدى مدّي الحنان هوية

وفوق سطوحى للحب غية

بطير ويرجع بلاقيني طاير

وحبيتي واقفة ف المشربية

مسحراتي طيب وراضى

نور الملائكة ملو الأراضى

ملائكة حاضرة

وطايرة بيينا

صلوا معانا على نبينا

يارب وأنت علام غيوب

أنا نفسي اتوب

ونويت أصوم لك

صيام مطهر من الذنوب

مسحراتي درب الغلابة
والخطوة واحدة ..

انا وانت يابا
ماشيين بنحكي عن الصحابة
عن الطيابة .. وناس زمان
تقول واسمع
والدمعة تلمع
يصب فياً نبع الحنان

ف بطاقتك اسمك :
محمد أحمد
ف حياتي اسمك ..
انسان عظيم
علمني بحرك اعوم واصارع
ورسمني خطك المستقيم
وشقيت معانا علشان تعلم
والمجانبة مبدأ سليم
تصب فينا نبع الحنان

ايديك دليلي .. والصعب .. دربي

خلوني راجل قبل الاوان

صمتك يقولي ع المستخبي

وشقاك بيغنى عن البيان

ولما يصبح .. قلبك وقلبي

على دقة واحدة ..

صوتهم بيان

ويصب فيا نبع الحنان

بالنظرة تغضب ..

بالروح تسلم

لحد ما اوصل بر الامان

ولا مرة تتعب وتقول : هاسلم

لحد ما انجح ف الامتحان

اسأل جروحك

ترد روحك

ما لاقيش لطعم الالم مكان

ويصب فيا نبع الحنان

رمضان ناداني

والقلب ليّ

تعالى واشرب

من المحبة

والبركة تملا جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضانى .. ساقية ..

تروينا جمعا بشروطير

وكل ثانية واحنا بخير

* * *

أفلام قديمه

مسحراتي يا مصراويه
ف مصر نسري روجي .. برويه
مسحراتي يا مصراويه
يدق قلبي تسمعني هيه
أبويا مدّي البشر هديه
وجدى مدّي الحنان هويه
وفوق سطوحى للحب غيه
يطير ويرجع يلاقيني طائر
وحببتي واقفة ف المشريه
مسحراتي طيب وراضى
نور الملائكة ملو الأراضى
ملائكة حاضره
وطايرة بيئنا
صلوا معانا على نبينا
يارب وأنت علام غيوب
أنا نفسى اتوب
ونويت أصوم لك
صيام مطهر من الذنوب

مسحراتي

رمضانى حصرى

على شاشة مصرى

قديم وعصرى

أفلام غنية بالابداعات

معانى ناعمة .. ف اوانى طعمة

الفن نعمة ..

نرفضها نعمى ..

عن اللى جى .. وعن اللى فات ..

دليلى .. سيما ..

أفلام قديمة ..

افكارها حرة .. ومستقيمة

والكل عايش .. حتى اللى مات ..

يوسف شاهينها .. وصلاح جاهينها

وحتى بقُ اسماعيل ياسينها

والقصرى عايش مع زينات

احب فاتن .. واحب شادية

ونادية لطفى

مش أى نادية

وسعاد شقية .. لو حتى هادية

وكل دمعة .. ع الخد بادية

مارى منينا ضربتها قاضية

خليتها ضحكة ف العين تبات

أجيال بتزرع اجيال بتحصد

وتعيش معنا وهية تقصد

تسيب لى أطيب الذكريات

نعيش حنينها .. يامغرمينها

واحنا جميعا مؤلفينها

أولاد حوارى ..

وولاد ذوات ..

رمضان ناداني

والقلب لبيّ

تعالى واشرب

من المحبة

والبركة تملأ جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضاني .. ساقية ..

تروينا جمعا بشروطير

وكل ثانية واحنا بخير

* * *

لويوم صحيتوا

مسحراتي يا مصر اويّة
ف مصر تسري روحي .. برويّة
مسحراتي يا مصر اويّه
يدق قلبي تسمعني هيه
أبويّا مدّي البشر هديه
وجدى مدّي الحنان هويّة
وفوق سطوحى للحب غيه
يطير ويرجع يلاقيني طائر
وحبيبتى واقفة ف المشريه
مسحراتي طيب وراضى
نور الملائكة ملو الأراضى
ملائكة حاضره
وطايرة بيننا
صلوا معانا على نبينا
يارب وأنت علام غيوب
أنا نفسي اتوب
ونويت أصوم لك
صيام مُطهر من الذنوب

مسحراتي يا خطوة مدي
خلينا نركب موج التحدي
ومن قناة السويس نعدى
نوصل لسدي
انا والليالي ناخذ وندي
يسأل حفيدي ..
ويجاوبه جدي ..

بحر الليالي غرقان ف أله
غرقان ف ندمه
ومين يغيته ؟!
احنا رجعنا .. ولا احنا بعنا ؟!
ولا نسينا الجهاد .. وصيته
يا اهل بلدي ..
لو يوم صحيتوا
افتكروا نهرو .. وافتكروا تيتو
وافتكروا ثوره .. ناصر وغاندي ..

افتكروا نظره ف عيون جيفارا

فيها الجسارة

احق بيها شعب الحضارة

لو جوّه خندق .. أو فوق مناره

روح العباده

تكون يامصرى عندك اراده

ولو عدوك ف يوم تمادى

لازم تناوله طعم المراره

نصر الارادة .. ع الغدر .. وعدى

مسحراتي يسعد صباحك

لو يوم عدو الحياة استباحك

إياك تطاوع ألم جراحك

إياك توافق كسرة جناحك

حقق نجاحك .. واصنع سلاحك

تحفظ براحك من التعدي

رمضان ناداني

والقلب لبي

تعالى واشرب

من المحبة

والبركة تملأ جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضانى .. ساقية ..

تروينا جمعا بشروطير

وكل ثانية واحنا بخير

* * *

ليلتنا عيد

مسحراتي يا مصرأويه
ف مصر تسري روعي .. برويه
مسحراتي يا مصرأويه
يدق قلبي تسمعني هيه
أبويا مدّي البشر هديه
وجدى مدّي الحنان هويه
وفوق سطوحي للحب غيه
يطير ويرجع يلاقيني طابر
وحبيبتى واقفة ف المشريه
مسحراتي طيب وراضى
نور الملايكة ملو الأراضى
ملايكة حاضره
وطايرة بينا
صلوا معانا على نينا
يارب وأنت علام غيوب
أنا نفسي اتوب
ونويت أصوم لك
صيام مُطهر من الذنوب

مسحراتي والليلة عيد
والرزق عمره ما كان بعيد
إمشى ف طريق الحلال تلاقي
رزقك ورزقي
نهر المحبة ف الارض باقي
يشرب ويسقى
وكل ساعى للخير سعيد
مسحراتي والليلة عيد

من يوم ما كانت الخطوة .. سنّة
لما اتفطمت .. وبدلت .. سنّة
ولحد ما ادخل سنين مُسنّة
الرحمة هية اجمل مافينا
أجمل مالينا .. أجمل ماينّا
هية طريق الهنا الوحيد
مسحراتي والليلة عيد

اعيادنا لما .. نتلم لمة
وتكون معاني المحبة تامة
نصنع بهمة .. ونبيع بذمة
يصبح طريق المودة واحد
مافيش .. يا إماما كده يا إماما
ساعتها يبقى الفرح اكيد
مسحراتي واللييلة عيد

العيد صباحه علشان وطننا
ولكل قلب .. حب .. وتمنى
سقا .. ومكنجى .. فرآن وبنّا
ولكل عالم زارع مصانع
ولكل شاعر عايزها جنة
لافيها أمرا .. ولاعيد
مسحراتي واللييلة عيد

رمضان نادانى
والقلب لبي
تعالى واشرب
من المحبة

والبركة تملا جامع ودير

وكل ثانية واحنا بخير

بدايته رؤية ونهايته رؤية

يادنيا .. صحرا ..

رمضانى .. ساقية ..

تروينا جمعا بشروطير

وكل ثانية واحنا بخير

* * *